



Drogu slali poštom u pismima

Prilikom pretresa pripadnici **SIPA** su pronašli određene količine više vrsta narkotičkih sredstava

Zeničanin Zoran Radić (1982) i njegova sugrađanka Lorena Kratina (1990) su optužnicom Tužilaštva BiH optuženi za krivična djela počinjena zloupotrebom interneta i sa elementima cyber kriminala.

Kupovina

Radić, koji je ranije osuđivan, i Kratina se terete da su tokom druge polovine 2016, pa do oktobra 2017. godine, u više navrata u Zenici i Kraljevini Holandiji, neovlašteno vršili međunarodni prijenos, držali, posredovali u međunarodnoj kupovini, uvozili supstance koje su propisom proglašene opojnim drogama te neovlašteno proizvodili, predaivali materije ili pripravke koji su propisima proglašeni opojnim drogama te neovlašteno posjedovali opojnu drogu.

Prema navodima optužnice, njih dvoje se terete da su kao konzumenti narkotika, korištenjem ličnih računara i svojih računara stupali u kontakt sa njima nepoznatim prodavcima droge extazy. Nakon što bi primili dogovorenu kupoprodajnu cijenu, drogu su slali poštom u pismima.



U Zenici proizvodili marihuanu

Drugom tačkom optužnice oni se terete da su tokom 2017, pa sve do oktobra iste godine, u Zenici radi konzumiranja proizvodili marihuanu u stanu koji su zajedno koristili.

Izjašnjenje

Prilikom pretresa pripadnici **SIPA** su pronašli određene količine više vrsta narkotičkih sredstava, kako u pošti, tako i kod optuženih, te manju

laboratoriju sa zasadam marihuane, vagu i druge potrebne predmete.

Radić i Kratina se terete da su počinili krivično djelo neovlaštena proizvodnja i stavljanje u promet opojnih droga i krivično djelo posjedovanje i omogućavanje uživanja opojnih droga. Ukoliko Sud BiH potvrdi ovu optužnicu, optuženi dvojac će se uskoro naći u sudnici kako bi se izjasnio o krivici.

A. B. Č.